

Q. D. B. V.

56

MEMORIA SECULARIS

VIRI

DE OMNIBUS REIP. NOSTRÆ STATIBUS
ET ORDINIBUS MERITISSIMI,

DN.

NICOLAI à DORNSPACH

CONSILIARII CÆSAREI, APUD ZITTANOS,
CONSULIS ET SCHOLARCHÆ.

ANNO M D LXXX. piè defuncti,

IN HONOREM ET GRATULANDI ARGUMENTUM,
VOCATO AD NOVUM REGIMENT

CONSULI,

nec non

PATRIBUS CON-

SCRIPTIS,

LITERARUM PATRONIS,

CONSECRATA,

SIMUL Q;

INAUGURANDÆ IN SUPERIORI

AUDITORIO

NOVÆ CATHEDRÆ

DESTINATA,

ad d. 27. Aug. M DC LXXX.


celebrabitur

â

CHRISTIANO WEISIO, GYMN. RECT.

ZITTAVIAE,

TYPIS MICHAELIS HARTMANNI.



ANnum absolvimus vel ideo memorabilem, qvod
durante unius **CONSULIS** Regimine, Octo
Senotorum parari vidimus exeqvias. Etsi enim
sua qvemlibet causa naturalis ad moriendi ne-
cessitatem adduxisset; ea tamē repetitorum Funerū erat
facies, ut è multitudine, mœroris afferrent augmentum,
qvaleqvidem per hanc Zittaviam, vel Atavorū memoria,
contigerat nunqva. Ipse Annus à majori Peste famo-
sus *M D XCIX*, surreptis per diem sæpè centenis, ex
inlyto PATRUM ordine vix unum **CONSULEM** re-
moverat. Lues porro qvam dixerunt minorem *M DC XI*
uno die BURCHARDUM Consulem, & RYTHNE-
RUM Prætorem addixit sepulturæ; at in octo Personas
jura non exercuit. Sic Annus *M D LIX*. Trium Consu-
lum morte fuit notabilis, JUNGNICKELII, WIGAN-
DI, & HUBERGI: ast duo ex his jam Emeriti suos vi-
derant successores. Annus etiam *M D LXXXIV*. jun-
ctim abstulit Consules MILDIUM & SCHERFFIN-
GIUM, nec non Syndicum LANCKISIUM; sed ne
hic qvidem numerus ad nostrum valet Octonarium. In-
terim, qvæ immensa DEI benignitas est, reparatum jam
videmus Ordinem tot luqtibus turbatum, talesq; gratu-
lamur electos, qvorum Virtus, Circumspectio & Dexte-
ritas futuræ felicitatis spem atq; fiduciam mirificè com-
mendat. Ut proinde causam in Gymnasio habeamus præ-
sentissimam, cur solennem, multisq; abhinc annis obser-
vatam Gratulandi consuetudinem, vel geminâ pietate
contemur.

Sive tamen mœroris aliquæ nos urgent reliquiæ, su-
blata etiam mœroris causâ; sive Potentissimus ELE-
CTOR lugens FRATREM Reverendissimum ac Se-
renissimum, modestiores jubet esse gratulantiū delicias,
seu

AVVIANI ET IAH. ZEPHAOIM. auct.

seu deniq; Vicinorum calamitas, juxta & rerum nostrarum metus obicem ponit proris in variam lætitiam animis; de argumento cogitandum fuit, qvod tristitiæ simul & gratulabundæ Pietatis officium posset exsolvere. Qvamobrem perlustranti nostros Annales, commodè offerebatur Vir omni titulo major, Dn. NICOLAUS à DORNSPACH, CONSILIARIUS CÆSAREUS, RATIO-
NUM PER INFERIOREM LUSATIAM PRÆFECTUS, Hujus REIP. PER XXXII. ANNOS CONSUL, TEMPLI CURATOR, ET SCHOLARCHA SUPREMUS, qvem centum abhinc Annis DEUS è terrestri hac Curia vocavit in Aulam cœlestem. Ut enim nullam Civitatis partem non illustravit, nullum ordinem sibi non devinxit; sic illi gaudebunt suas Virtutes legi in exemplo vetustatis, qui norunt vocatos se jam esse ad exornandam præsentium temporum felicitatem. Ita qvibusdam è meis Auditoribus hoc imposui negotium, ut Nobilissimi CONSULIS Recordationē, cum devota precum oblatione con jungerent. Nam certè si qvicqvam est, qvod è fortuna Beati Viri nunc velimus deposcere Nostris Magistratibus, id maximè nos movet, qvod sub ipso DORNSPACHII Regimine Anno M DC LXVIII. annotatum legimus. Qvippe Lues pestifera Pragam ita pervaferat, ut dies non abiret, nisi ducenta numerarentur mortuorum corpora; nec minor mali vis imminebat Vratislaviæ, donec in ipsam Lusatiam penetraret contagio, Budissinensibus, imo & Lœbaviensibus infesta. Ex altera parte Schlukenvavia, Jabela, & qvicqid propiorem Bohemiam attingit, Zittaviam admonebant miseræ necessitatis; cum in Lanionum nostra platea, sex ædibus immissum venenum, melioris Spei maximam partem surriperet. Benignissima tamen DEI voluntas, & circumspecta PATRUM cura tum effecit, ut consistens intra hunc numerum calamitas, ultra metum non effervesceret. O qvàm fortunata fuerint vota per seram hanc DORNSPACHII memoriam excitata, si qvos haetenus perturbavit præsentissimorum

periculorum timor, eadem sublebet dexteritas, eadem Prudentia, eadem Prosperitas. O faxit DEUS, ut qvi sub cœlo sincero, sub aëre minus corrupto, inter Cives nullo halitu abominabiles, progredi ad Regimen videmus CONSULEM, eandem experiamur digredientis securitatem, nec unquam occlusis per vim ædibus, simul imminuantur liberiores gratulantium voces. Præfertim largiatur Sanitatis Curator & Conservator supremus, ut qvos nunc tanget pia votorum oblatio, eosdem elapsos tandem anno novæ Constantiæ ac Felicitati liceat commendare.

Sed alia simul solennitas Actum præsentem reddet debito favore digniorem. Postquam enim Disputatoria & Oratoria nostra Cathedra, multis abhinc annis in Majori Auditorio conspicua, qvin & à plerisq; Patronorum olim pressa, nunc vetustatis varias in jurias tacitè videtur allegare: cogitatum in tempore fuit ab iis, qvorum Curæ splendor scholasticus committitur, ne primum hoc industriæ sive signum sive excitabulum ad sordidas ruinas prolaberetur. Et cum novus hic Conspectus commendiari nunc à singulis cupiat, ipsa prisci Scholarchæ recordatio tanto felioribus omnibus affulgebit. Evidem Cathedram, qvæ nunc vacationem obtinuit, oculis suis non usurpavit Dornspachius, qvi paulo ante obitum M D LXXXIX. effecit, ut Domus, qvam à Cruce vel Crucigeris appellaverant, destrueretur, Scholæq; adeo & Rectoris habitaculo ampla satis accederet planities. Ast ad finem perducta demū fuit hæc structura M D LXXXV. annoq; seqventi novorum Collegarum introductio primam Gymnasii faciem provocavit. Tum enim datus Rector M. CASPAR JANITIUS, Conrector MICHAEL JUSTUS, alii duo M. CASPAR TULLICHIUS & M. DANIEL BURCHARDUS: ut facile conjiciam à tot Magistris Cathedrā fuisse postulatam, qvalem disputantes collocando Præsidi & Respondenti sciunt necessariam. Nisi qvis hanc gloriam servare velit M. GERLACHIO, Viro in qvavis Eloquen-
tia,

tia, adeoq; in rebus disputatoriis exercitatissimo, qvo adventante, MDC II. plenis ornamentis expolitum sumus ædificium Scholasticum.

Qyod igitur felix & faustum sit, inaugurabimus in ista Panegyri Sedem, & Præceptorum dogmatibus, & variis Juvenum speciminibus destinatam, Deumq; rogamus, velit docendi amplissimam occasionē, nec minores speciminum proventus indulgere, dissolvendæ Scholæ tristem necessitatem avertere, & totidem annos usurpandæ huic Cathedræ clementer elargiri, qvot auguramus effluxisse, dum starent Pulpita priora. Vivant Patroni, ne frigeat Schola; Faveant, ut sæpe spectari gaudeat Cathedra; qvin seros suos hic adspiciant successores, ut conservandæ hujus sedis adsit fiducia.

Cæterum ut redeamus ad Memoriam B. DORN-SPACHIO consecrandam, qvo ordine suas qvisq; partes fit acturus, breviter delineabimus.

Prologi vicem, univerfiq; operis decentem commendationem recipiet

JOHANNES SIEGFRIED NESENUUS,
constituti jam Prætoris Filius non degener, adeoq; ad excitandum bene precandi favorem satis aptus. Inde

JOHANNES FRIDERICUS GERBERUS,
Consulis à Regimine jam discedentis ex Sorore Nepos, Medici celebratissimi Filius, admirabitur ERUDITIONEM, qvam è variis documentis adhuc licet colligere, five species Inscriptioes Sententiarū pulcherrimarum, qvibus & privatam suam habitationem, & publica pas- sim monumenta exornavit, five ponderes industria- tum illustrandæ Scholæ, tum excitandæ Bibliothecæ ad- hibitam. Porro

JOHANNES PHILIPPUS KRODELIUS
electi jam Senatoris Filius, demonstrabit PRUDENTIAM, qvæ tempore satis periculoso Reip. statum mirifice sustinuit, postea Civitatem splendidissimis ædificiis sic augeri curavit, ut nulla fere Turris adventantium feriat

ocu-

oculos, qvam ille non reddiderit sublimiorem vel pulchriorem. Hunc secutus

JOHANNES HENRICUS à LANCKISCH,
Physici Ordinarii Filius, extollet PIETATEM, cujus argumenta non modo suppeditat Ecclesiæ Status ab eo sincerè curatus, qvascumq; difficultates ob jiceret Reformationis odiosum initium; non modo Templi splendor, eodem dirigente auctus, ut etiam tum florere inciperet Musica Figuralis, imo, qvæ personis ordinariis hodienū committitur, instrumentalis: sed etiam præ cæteris Beati & planè Christiani obitus testimonium, à Confessionario sic perhibitum, ut publicâ voce Deum rogaret, velle sibi dare hanc gratiam, *UT MÖRERETUR ANIMA SVA MORTEM HVJVS RECTI, FIERENTQ; SVA NOVISSIMA HORVM SIMILIA.* Tandem

MICHAEL HERFARTH,

Parentibus æqvè honestissimis apud nos prognatus, felici clausula Felicitatem Dornspachianam apprecabitur PATRIÆ PATRIBUS, spectatis præcipue Insignibus, qvibus inclaruit volente sic IMPERATORE VIR NOBILISSIMUS. Etenim primo gestaverat tria Leonum Capita, in ipsa autem Galea Spinetum, qvod argueret nomen à Spinis acceptum: At successu temporis, aucta capita ad numerum Senarium, Spinæ vero mutatae in Leonem alis Aqvilinis armatum. Qvæ singula sic valent ad lusus hieroglyphicos, ut optantem præsentissima vendi materia destituere non possit. Ultimo se ostendet

JOHANNES CHRISTIANUS JENTSCHIUS,
Consulis jam Regentis Filius, Adolescentulus ad meliorrem spem natus, qui recitato Carmine Heroico, singulis ad ORDINEM SENATORIUM pertinentibus, devotam bene precandi pietatem testabitur.

Forte superfluum est addere preces invitantibus aliqui necessarias, cum accedendi tot incitamenta splendifissimum polliceantur Auditorium. Interim, qvod in nostra potestate est, fore nos exhibitorum beneficiorum

1100

per-

perpetuo memores, sancte recipimus. Nunc ut legentis oculus canentem seqvi possit commodius, Hymnos Solennitati destinatos juvat adscribere.

ODA SUB INGRESSUM DECANTANDA.

I

A Utumnus imminet quem pulchra lux fœcundat,
Dum Postes Curiæ Benignitas secundat,
Nec per Scholaisticum nescitur atrium,
Qvam dulce pullulet Salutis gaudium.
O salvete qui floretis,
O valete qui favetis

2.

Cathedra plausibus vos accipit novellis,
Et quasi blandulis inaugurata stellis,
Secura temporis promittit gratiam,
Qvæ porro provehat docendi gloriam.

O spectate quod curatis,
O amate quod juvatis.

3.

Hic verba profluent benigna Præceptorum,
Hic Patres audient augmenta Filiorum,
Seu Disputatio loquentes excitet,
Seu Rhetor Testium favorem quæritet.

O venite dum precamur.
O polite quod conamur.

4.

En adsunt Filii qui pulpitum conscendent,
Et Thura cordibus non impiis accendent.
Adeste candidis, Patroni, primulis,
Dum pulchrioribus lætemur flammulis.

O filete, sic vigemus,
O favete, sic placemus.

HYM-

HYMNUS

Ante discessum concinendus, ad Melodiam qva PACIS
PRINCIPEM veneramur in Ecclesiis.

I.

W^O GÖTE das Jahr ist nun vorbei / du hast dein Volk erhört/
D^aß weder Krieg noch Kriegs-Geschrey das Vaterland versehrt/
Ja daß du läßt ein Friedens-Fest
Bishero kundbar werden.

2.

Wir haben gleichfalls satt und froh die Erndte zugebracht/
Da Sturm und Hagel anderswo viel arme Leute macht/
Die nun ihr Brodt aus Hungers-Noth/
Mit Kummer suchen sollen.

3.

Du hast ja den Regenten-Stand durch manchen Tod erschreckt:
Jedennoch deine Vater-Hand hat andre schon erweckt/
Die nun mit Rath und in der That/
Den Riß ersezzen werden.

4.

Ach breite deines Nahmens-Ruhm noch ferner gnädig aus/
Und lieb uns als dein Eigenthum: so wird auch dieses Haus/
Sich übers Jahr und immerdar /
In deiner Gnade freuen.

5.

Wiewol es ist betrübte Zeit! das blöde Volk erschrickt/
Dieweil ein tödlich Herzeleid die guten Nachbarn drückt.
Ach hätten wir nicht auch allhier
Dergleichen Angst verdienet!

6.

Doch Vater denck an deinen Sohn/ wir sind von Ihm genannt:
Und weil der Feind die Zeichen schon an unsren Pfosten kennt/
So gieb uns Heyl/ daß er den Pfeil
Vor uns verbergen müsse.

7.

Sol aber was beschlossen seyn/ eh dieses Jahr vergeht;
So stelle dich als Vater ein/ daß Zittau noch besteht/
D^aß Kirch und Schul/ daß Richter-Stuhl/
Und Rath-Haus nicht zerfalle.

